



## საკანონმდებლო სიახლეების

### ცნობარი

(2023 წლის თებერვალი)

მოცემული ცნობარი შეეხება მნიშვნელოვან საკანონმდებლო ცვლილებებს, რომელიც განხორციელდა სხვადასხვა საკანონმდებლო და კანონქვემდებარე აქტებში 2023 წლის თებერვლის თვეში.

#### საქართველოს ადმინისტრაციულ სამართალდარღვევათა კოდექსი

2023 წლის 9 თებერვალს საქართველოს ადმინისტრაციულ სამართალდარღვევათა კოდექსს დაემატა შემდეგი შინაარსის XII<sup>1</sup> თავი (ადმინისტრაციული სამართალდარღვევები საჯარო შესყიდვების სფეროში) და ა.შ.

ზემოაღნიშნული პროგრამის ცვლილების სრული ვერსია შეგიძლიათ იხილოთ ბმულზე: <https://matsne.gov.ge>, სარეგისტრაციო კოდით: 020000000.05.001.020796

ეს კანონი, გარდა ამ კანონის პირველი მუხლის მე-3 ნაწილით გათვალისწინებული კოდექსის 165<sup>23</sup> მუხლისა, ამოქმედდება 2025 წლის 1 იანვრიდან.

ამ კანონის პირველი მუხლის მე-3 ნაწილით გათვალისწინებული კოდექსის 165<sup>23</sup> მუხლი ამოქმედდება 2029 წლის 1 იანვრიდან.



## საქართველოს კანონი „სათამაშო ბიზნესის მოსაკრებლის შესახებ“

2023 წლის 9 თებერვალს სათამაშო ბიზნესის მოსაკრებლის შესახებ“ საქართველოს კანონში შეტანილ იქნა ცვლილება და მე-3 მუხლის პირველი პუნქტი (მოსაკრებლის გადამხდელი); მე-4 მუხლის (მოსაკრებლის ობიექტები) და ა.შ. ჩამოყალიბდა ახალი რედაქციით.

ზემოაღნიშნული დანართის ცვლილების სრული ვერსია შეგიძლიათ იხილოთ ბმულზე: <https://matsne.gov.ge> სარეგისტრაციო კოდით: 210020000.05.001.020780

კანონი, გარდა ამ კანონის პირველი მუხლისა, ამოქმედდა გამოქვეყნებისთანავე.

კანონის პირველი მუხლი ამოქმედდება 2024 წლის 1 ივნისიდან.

## საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2020 წლის 29 დეკემბრის №01-133/ნ ბრძანება

2023 წლის 2 თებერვალს საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის ბრძანება №7/ნ-ით „ორსულობის, მშობიარობისა და ბავშვის მოვლის, ასევე ახალშობილის შვილად აყვანის გამო შვებულებების ანაზღაურების წესის“ დამტკიცების თაობაზე“ საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2020 წლის 29 დეკემბრის №01-133/ნ ბრძანებაში შეტანილ იქნა შემდეგი ცვლილება:

1. ბრძანების პრეამბულა ჩამოყალიბდა შემდეგი რედაქციით:

„საქართველოს შრომის კოდექსის“ 37-ე, 38-ე და 39-ე მუხლების, „საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის 21-ე მუხლის, „საჯარო სამსახურის შესახებ“ საქართველოს კანონის 64-ე მუხლის, მე-80 მუხლის მე-3 პუნქტის, 84-ე მუხლის მე-2 პუნქტის, „ნორმატიული აქტების შესახებ“ საქართველოს ორგანული კანონის 25-ე მუხლისა და „ორსულობისა და მშობიარობის გამო ანაზღაურებადი შვებულებისა და ბავშვის მოვლის გამო ანაზღაურებადი შვებულების, აგრეთვე ახალშობილის შვილად აყვანის გამო ანაზღაურებადი შვებულების პერიოდზე გასაცემი ფულადი დახმარების ოდენობის განსაზღვრისა და გასატარებელ ზოგიერთ ღონისძიებათა შესახებ“ საქართველოს მთავრობის 2023 წლის 24 იანვრის №33 დადგენილების გათვალისწინებით, ორსულობის,



მშობიარობისა და ბავშვის მოვლის, ასევე ახალშობილის შვილად აყვანის გამო შვებულებების ანაზღაურების მოწესრიგების მიზნით, პირველი მუხლის პირველი პუნქტი (ზოგადი დებულებები); მე-2 მუხლის „დ“ ქვეპუნქტი (ტერმნითა განმარტებები) და ა.შ. ჩამოყალიბდა ახალი რედაქციით.

ზემოაღნიშნული ცვლილების დოკუმენტის სრული ვერსია შეგიძლიათ იხილოთ ბმულზე: <https://matsne.gov.ge>, სარეგისტრაციო კოდით: 470230000.22.035.017030

ბრძანება ამოქმედდა გამოქვეყნებისთანავე და გავრცელდა 2023 წლის 1 იანვრიდან წარმოშობილ ურთიერთობებზე.

## საქართველოს ფინანსთა მინისტრის ბრძანება №996

2023 წლის 3 თებერვალს საქართველოს ფინანსთა მინისტრის ბრძანება №34-ით გადასახადების ადმინისტრირების შესახებ“ საქართველოს ფინანსთა მინისტრის 2010 წლის 31 დეკემბრის №996 ბრძანების დამტკიცებულ ინსტრუქციის 73<sup>3</sup> მუხლის მე-4 პუნქტი (დღგ-ის თანხის კორექტირება) ჩამოყალიბდა ახალი რედაქციით და მე-9 პუნქტის შემდეგ დაემატა შემდეგი შინაარსის მე-10 და მე-11 პუნქტები:

„10. ამ მუხლის მე-4 პუნქტის „დ“ ქვეპუნქტით გათვალისწინებულ შემთხვევაში:

ა) ამ პუნქტის „ბ“ ქვეპუნქტით განსაზღვრული შემთხვევის გარდა, დღგ-ის თანხის კორექტირების მიზნით, გადასახადის გადამხდელი საგადასახადო ორგანოს წარუდგენს №III-24<sup>1</sup> დანართით დადგენილი ფორმის დეკლარაციას, რომელშიც მონაცემები შეიტანება უჯრების დასახელებების (შინაარსის) შესაბამისად;

ბ) თუ კორექტირების გამომწვევი გარემოება დადგა საგადასახადო შემოწმების მიმდინარეობისას, შემოწმებით მოცულ საანგარიშო პერიოდში, დღგ-ით დასაბეგრი თანხა კორექტირდება საგადასახადო ორგანოს მიერ.

11. ამ მუხლის მე-10 პუნქტის „ა“ ქვეპუნქტით გათვალისწინებული დეკლარაციით მოთხოვნილი დღგ-ით დასაბეგრი თანხის კორექტირებასთან დაკავშირებით გადაწყვეტილებას იღებს საგადასახადო ორგანო, დეკლარაციის რეგისტრაციის დღიდან ორი თვის ვადაში. საგადასახადო ორგანო უფლებამოსილია გადასახადის გადამხდელს მოსთხოვოს დამატებითი დოკუმენტის ან ინფორმაციის წარმოდგენა. დღგ-ით დასაბეგრი თანხა დაკორექტირდება საგადასახადო ორგანოს მიერ შესაბამისი გადაწყვეტილების მიღების



შემთხვევაში. ამასთანავე, დღგ-ის თანხის კორექტირებაზე უარის თქმის შესახებ მოტივირებული გადაწყვეტილება ეგზავნება გადასახადის გადამხდელს გადაწყვეტილების მიღებიდან არაუგვიანეს 5 სამუშაო დღისა.“.

2. ინსტრუქციას დაემატა თანდართული რედაქციის დანართი №III-24<sup>1</sup>.

ზემოაღნიშნული დოკუმენტის ცვლილების სრული ვერსია შეგიძლიათ იხილოთ ბმულზე: <https://matsne.gov.ge> სარეგისტრაციო კოდი: 200090000.22.033.017655

ბრძანება ამოქმედდა გამოქვეყნებისთანავე.

ამავე ბრძანებაში 2023 წლის 13 თებერვალს საქართველოს ფინანსთა მინისტრის ბრძანება №39-ით „გადასახადების ადმინისტრირების შესახებ“ საქართველოს ფინანსთა მინისტრის 2010 წლის 31 დეკემბრის №996 ბრძანების დამტკიცებულ ინსტრუქციაში შეტანილ იქნა შემდეგი ცვლილება:

1. მე-2 მუხლის მე-5 პუნქტი ჩამოყალიბდა შემდეგი რედაქციით:

„5. საქართველოს მოქალაქეობის არმქონე ფიზიკური პირი საგადასახადო ან/და საბაჟო ვალდებულების წარმოშობისას ვალდებულია საგადასახადო აღრიცხვის მიზნით მიმართოს შემოსავლების სამსახურს.“.

2. მე-3 მუხლის 1<sup>3</sup> პუნქტი ჩამოყალიბდა შემდეგი რედაქციით:

„1<sup>3</sup>. ფიზიკური პირის (გარდა ინდივიდუალური მეწარმისა) საგადასახადო აღრიცხვა, ამ მუხლის პირველი პუნქტით გათვალისწინებულის ნაცვლად, შესაძლებელია განხორციელდეს საგადასახადო ორგანოსთვის ვიდეოზარით მიმართვის საფუძველზე. საგადასახადო აღრიცხვის თაობაზე ფიზიკური პირის ვიდეოზარით მიმართვა ასევე წარმოადგენს ამ ინსტრუქციის მე-11 მუხლის მე-3 პუნქტის შესაბამისად, ელექტრონული ფორმით კომუნიკაციაზე გადასვლის მოთხოვნას. ცალკეულ შემთხვევაში საგადასახადო ორგანო უფლებამოსილია, ვიდეოზარით მიმართვის ნაცვლად, პირს მოსთხოვოს №I-01 დანართის შესაბამისი განცხადების წარდგენა.“.

ზემოაღნიშნული დოკუმენტის ცვლილების სრული ვერსია შეგიძლიათ იხილოთ ბმულზე: <https://matsne.gov.ge>, სარეგისტრაციო კოდი: 200090000.22.033.017656

ბრძანება ამოქმედდა 2023 წლის 1 მარტიდან.



## საქართველოს ფინანსთა მინისტრის 2016 წლის 14 სექტემბრის ბრძანება №223

2023 წლის 16 თებერვალს საქართველოს ფინანსთა მინისტრის ბრძანება №48-ით „ბუღალტრული აღრიცხვის, ანგარიშგებისა და აუდიტის ზედამხედველობის სამსახურის დებულების დამტკიცების თაობაზე“ საქართველოს ფინანსთა მინისტრის 2016 წლის 14 სექტემბრის №223 ბრძანების დამტკიცებულ დებულებაში შეტანილ იქნა ცვლილება და მე-2 მუხლის მე-2 პუნქტი (სამსახურის ფუნქციები); მე-3 მუხლი (სამსახურის უფროსი) და ა.შ. ჩამოყალიბდა ახალი რედაქციით.

ზემოაღნიშნული ინსტრუქციის ცვლილების სრული ვერსია შეგიძლიათ იხილოთ ბმულზე: <https://matsne.gov.ge> სარეგისტრაციო კოდით: 010320020.22.033.017660

ბრძანება ამოქმედდა გამოქვეყნებისთანავე.

## პერსონალურ მონაცემთა დაცვის სამსახურის უფროსის 2022 წლის 2 მარტის ბრძანება №04

2023 წლის 10 თებერვალს პერსონალურ მონაცემთა დაცვის სამსახურის უფროსის ბრძანება №12-ით „პერსონალურ მონაცემთა დამუშავების კანონიერების შესწავლის წესის დამტკიცების შესახებ“ პერსონალურ მონაცემთა დაცვის სამსახურის უფროსის 2022 წლის 2 მარტის №04 ბრძანების დამტკიცებულ პერსონალურ მონაცემთა დამუშავების კანონიერების შესწავლის წესში შეტანილ იქნა ცვლილება და მუხლი 1-ლი (რეგულირების სფერო); მე-2 მუხლის „დ“ ქვეპუნქტი (შეტყობინება) და ა.შ. ჩამოყალიბდა ახალი რედაქციით.

ზემოაღნიშნული დოკუმენტის ცვლილების სრული ვერსია შეგიძლიათ იხილოთ ბმულზე: <https://matsne.gov.ge> სარეგისტრაციო კოდით: 010100000.78.091.016012

ბრძანება ამოქმედდა გამოქვეყნებისთანავე.



## საქართველოს ეროვნული ბანკის პრეზიდენტის 2010 წლის 22 თებერვლის ბრძანება №25/01

2023 წლის 15 თებერვალს საქართველოს ეროვნული ბანკის პრეზიდენტის ბრძანება №31/04-ით ძალადაკარგულად გამოცხადდა „საფინანსო სექტორის წარმომადგენლის მიმართ სასესხო ან სხვა მატერიალურ ვალდებულებათა შესახებ ინფორმაციის საქართველოს ეროვნულ ბანკში წარდგენის წესის დამტკიცების შესახებ“ საქართველოს ეროვნული ბანკის პრეზიდენტის 2010 წლის 22 თებერვლის №25/01 ბრძანება.

ზემოაღნიშნული დოკუმენტის ცვლილების სრული ვერსია შეგიძლიათ იხილოთ ბმულზე: <https://matsne.gov.ge> სარეგისტრაციო კოდით: 220090000.18.011.016678

ბრძანება ამოქმედდა გამოქვეყნებისთანავე.

## საჯარო სამართლის იურიდიული პირის – საპენსიო სააგენტოს დირექტორის ბრძანება №001

2023 წლის 17 თებერვალს საჯარო სამართლის იურიდიული პირის – საპენსიო სააგენტოს დირექტორის ბრძანება №001-ით ძალადაკარგულად გამოცხადდა საჯარო სამართლის იურიდიული პირის – საპენსიო სააგენტოს დირექტორის 2019 წლის 27 მაისის №001 ბრძანება „დაგროვებითი საპენსიო სქემიდან გასვლის, საპენსიო შენატანების და ამ შენატანებთან დაკავშირებული საინვესტიციო ან/და სხვა შემოსავლის დაბრუნებისა და ხელახლა გაწევრიანების წესის დამტკიცების შესახებ“ და დამტკიცდა დაგროვებითი საპენსიო სქემიდან გასვლის, საპენსიო შენატანების და ამ შენატანებთან დაკავშირებული საინვესტიციო ან/და სხვა შემოსავლის დაბრუნებისა და ხელახლა გაწევრიანების თანდართული წესი.

ზემოაღნიშნული დოკუმენტის ცვლილების სრული ვერსია შეგიძლიათ იხილოთ ბმულზე: <https://matsne.gov.ge> სარეგისტრაციო კოდით: 280030000.73.085.016014

ბრძანება ამოქმედდა 2023 წლის 1 მარტიდან.





## საქართველოს ფინანსთა მინისტრის 2019 წლის 29 აგვისტოს ბრძანება №257

2023 წლის 22 თებერვალს საქართველოს ფინანსთა მინისტრის ბრძანება №51-ით „საქართველოს საბაჟო ტერიტორიაზე საქონლის გადაადგილებისა და გაფორმების შესახებ ინსტრუქციების დამტკიცების თაობაზე“ საქართველოს ფინანსთა მინისტრის 2019 წლის 29 აგვისტოს №257 ბრძანების დამტკიცებული „საქონლის საბაჟო პროცედურაში ან რეექსპორტში დეკლარირებისა და გაფორმების შესახებ“ ინსტრუქციის (დანართი №8):

1. მე-5 მუხლის მე-5 პუნქტი ჩამოყალიბდა შემდეგი რედაქციით:

„5. საფოსტო გზავნილით შემოტანილ ან გასატან საქონელზე საბაჟო დეკლარაციას/რეექსპორტის დეკლარაციას ავსებს საბაჟო ორგანო ან საფოსტო გზავნილის გადამზიდავი, რომელიც ახორციელებს პირის (გზავნილის მიმღების/გამგზავნის) წარმომადგენლობას, ან საფოსტო გზავნილის მიმღები/გამგზავნი იურიდიული პირი.“.

2. 25-ე მუხლის მე-2 პუნქტის „ა.ბ“ ქვეპუნქტი ჩამოყალიბდა შემდეგი რედაქციით:

„ა.ბ) გაფორმების ეკონომიკურ ზონა „ფოთში“ ან საბაჟო გამშვებ პუნქტ „ბათუმის პორტში“ საზღვაო გზით შემოტანილი, ან საბაჟო დეპარტამენტის გაფორმების განყოფილებებში წარდგენილი ავტომანქანით გადაადგილებული, ან საფოსტო გზავნილებით შემოტანილი, სეს ენ-ის 3403 19 100 00, 3403 19 200 00, 3403 19 800 00, 3403 99 000 00, 2710 19 710 00 – 2710 99 000 00 კოდებით გათვალისწინებული არაუმეტეს 10 ლიტრი ზეთისა;“.

ზემოაღნიშნული დოკუმენტის ცვლილების სრული ვერსია შეგიძლიათ იხილოთ ბმულზე: <https://matsne.gov.ge> სარეგისტრაციო კოდით: 230210000.22.033.017661

ბრძანება ამოქმედდა გამოქვეყნებისთანავე.

## საქართველოს მთავრობის №255 დადგენილება

2023 წლის 24 თებერვალს საქართველოს მთავრობის დადგენილება №81-ის საფუძველზე „იმ ქვეყნების ჩამონათვალის დამტკიცების შესახებ, რომელთა მოქალაქეებსაც შეუძლიათ საქართველოში უვიზოდ შემოსვლა“ საქართველოს მთავრობის 2015 წლის 5 ივნისის №255 დადგენილებაში შეტანილ იქნა ცვლილება და დადგენილებით დამტკიცებული დანართის შენიშვნის:

1. პირველი პუნქტი ჩამოყალიბდა შემდეგი რედაქციით:

„1. დანართში მითითებული ქვეყნების მოქალაქეებს აქვთ საქართველოში უვიზოდ შემოსვლისა და სრული 1 წლის ვადით ყოფნის უფლება, გარდა უკრაინის მოქალაქეებისა“.



2. პირველი პუნქტის შემდეგ დაემატა შემდეგი შინაარსის 1<sup>1</sup> პუნქტი:  
„1<sup>1</sup>. უკრაინის მოქალაქეებს აქვთ საქართველოში უვიზოდ შემოსვლისა და სრული 2 წლის ვადით ყოფნის უფლება.“.

ზემოაღნიშნული დადგენილების ცვლილების სრული ვერსია შეგიძლიათ იხილოთ ბმულზე: <https://matsne.gov.ge> სარეგისტრაციო კოდით: 010120000.10.003.018640

დადგენილება ამოქმედდა გამოქვეყნებისთანავე.